



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

§. Alia.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

sitâ licentia Papæ: Vel est occultus defectus, tunc ad vitandum scandalum renuntiare debet in manibus Papæ, vel tituli reualidationem ab eodem impetrare. Cæterum, si aliquis in excommunicatione, suspensione, vel irregularitate occulta institutus fuit, sublato impedimento per eum, qui potestate absoluendi, aut dispensandi præditus est, eo ipso titulum validari, tanquam probabile docui lib. 4. Theol. moral. tr. 2. c. 15. n. 2. & suprà de elect. c. super eo, 12. n. 3. §. Deinde.

Secundò: Si Episcopus post canonicam institutionem, ob crimen v.g. Sodomia iuxta Pij V. Constit. incurrat pœnam depositionis, aut suspensionis in perpetuum sine spe relaxationis, tunc iusta causa adeat cessionem à Pontifice impetrandi. Si tamen crimen occultum sit, ideoque infamiam annexam non habeat, proprius Episcopi Confessarius absoluere eum poterit, propter Trident. concessionem sess. 24. c. 6. de reformat. Quod Episcopi dispensare possint in omnibus irregularitatibus, & suspensionibus proueniensibus ex delicto occulto. Vbi Cardinalium declaratio adiungitur: *Episcopo in aliquod male delictum prolapsus, licet ad se absoluendum proprum Confessarium deputare, cum eadem auctoritate, quam ipse potest ex eodem hoc cap. in sibi subditos exercere.*

Tertiò: Si Episcopus crimen incurrat, cui ipso iure infamia annexa est, v.g. Si Romanæ Ecclesiæ Cardinalem hostiliter persecutus est, c. felicis, de pœnis, in 6. Loquor autem de infamia iuris, id est, quæ ipsa lege, vel Iudicis sententiâ ob crimen inflicta. Alia autem est infamia facti, quæ incurritur ob quodlibet crimen mortale, per quod hominis existimatio, spectata conditione personæ, grauiter lœditur apud viros prudentes. Et hæc infamia per pœnitentiam ac publicam vitæ emendationem tolli potest: Quare non deiicit hominem à dignitate acquisita, ante Iudicis sententiam, & depositionem. Qua de re dixi lib. 1. tr. 5. p. 5. c. 4. n. 5.

S. Alia.

Altera causa, ob quam Episcopo licentia renuntiandi concedi potest, est corpo-

ris debilitas, seu ea ex infirmitate, seu ex senectute proueniat: dummodo tanta sit, ut impotentem reddat ad exequendum officium pastorale. Videri de hac re possunt testimonia ex S. Gregor. I. congeta à Gratiano causa, q. 1. c. 1. 3. & 4. quibus habetur, quod Episcopus ob infirmitatem deponendus non sit, sed Vicarij & Coadiutores adsciscendi, qui ex redditibus Episcopatus alantur. Imò tametsi morbus incurabilis sit, tamen ad renuntiationem cogi non posse, colligitur ex c. parte, 5. de clerocegrot. Si tamen ob morbum parua ex ipso utilitas in Ecclesiam redundet, tum eius voluntaria cessio admitti potest, assignata ipsi congrua penitio ex Episcopalibus redditibus, ad vitam suam, vt Sotus docet cit. loc. Valentia cit. p. 4. §. Quocirca. Atque idem fermè locum habet in alijs Prælatis ecclesiarum: Parochis vero ob eandem causam senij vel infirmitatis diuturnæ, propter quam ecclesia regenda minus utiles videantur, citius indici potest renuntiandi præceptum, assignata illis penitio, aut alio beneficio, ex quo se honeste alere possint, arg. c. tua, 4. de clerocegrot. Et de ea re dixi lib. 4. tract. 2. cap. 17. num. 2. prist. & n. 3. in fine.

S. Pro defectu.

Hæc est tertia causa cessionis: si Episcopus scientia careat: Ea enim tum ad spiritualium administrationem, tum ad temporalium curam Prælatonecessaria est. Tametsi vero scientia eminens desideranda sit, sufficit tamen scientia competens: quia imperfectum scientia supplere potest perfectio charitatis: siquidem Apostolus ait 1. ad Corinth. 8. quod scientia inflat, charitas autem adificat. Vide quæ dixi in c. qualiter, 17. de elect. & c. innotuit, 20. eod. tit. Non esse irritam electionem aut institutionem Episcopi, qui sufficienter doctus est, modò non omnino illiteratus sit: neque talem obligari ad resignandum, si spes sit, quod non longo tempore sufficientem scientiam comparare queat.

g. Pro-